

PM/tilvísunar- númer	CAS-númer	Heiti
92205	057569-40-1	Tereftalsýra, díester með 2,2'-metýlenbis(4-metýl-6-tert-bútýlfenól)
92350	000112-60-7	Tetraetýlenglýkól
92640	000102-60-3	N,N,N',N'-Tetrakis(2-hýdroxýprópýl)etýlendíamín
93440	013463-67-7	Títandíoxíð
93520	000059-02-9	alfa-Tókóferól
	010191-41-0	
93680	009000-65-1	Tragantgúmmí
94320	000112-27-6	Tríetýlenglýkól
95200	001709-70-2	1,3,5-Trímetýl-2,4,6-tris(3,5-dí-tert-bútýl-4-hýdroxýbensýl)bensen
95905	013983-17-0	Wollastónít
95920		Viðarmjöl og -trefjar, óunnið
95935	011138-66-2	Xantangúmmí
96190	020427-58-1	Sinkhýdroxíð
96240	001314-13-2	Sinkoxíð
96320	001314-98-3	Sinksúlfíð

## 5. gr.

Reglugerð þessi er sett með stoð í lögum nr. 93/1995 um matvæli og 2. gr. laga nr. 81/1988 um hollustuhætti og heilbrigðiseftirlit, með síðari breytingum. Einnig var höfð hliðsjón af samningnum um Evrópskt efnahagssvæði, sem vísað er til í II. viðauka, XII. kafla tilskipunar 95/3/EB um breytingu á tilskipun 90/128/EBE um plastefni og -hluti sem ætlað er að komist í snertingu við matvæli. Jafnframt var höfð hliðsjón af tilskipun 96/11/EB um breytingu á 90/128/EBE. Reglugerðin öðlast gildi við birtingu.

*Ákvæði til bráðabirgða.*

1. Tilkynningar samkvæmt 2. gr. þessarar reglugerðar skulu berast Hollustuvernd ríkisins eigi síðar en 1. janúar 1998.
2. Þar til kominn er endanlegur jákvæður listi yfir aukefni, sem heimilt er að nota við framleiðslu á plasti, sbr. ákvæði 1. gr., er Hollustuvernd ríkisins heimilt að samþykkja notkun annarra efna en fram koma í viðauka 5.

*Umhverfissráðuneytinu, 3. október 1997.*

**Guðmundur Bjarnason.**

*Magnús Jóhannesson.*

1. október 1997

Nr. 577

## REGLUGERÐ

**um breytingu á reglugerð nr. 521/1996 fyrir Lífeyrissjóð Norðurlands.**

## 1. gr.

Grein 4.2 orðast svo:

- 4.2 Kjörtímabil stjórnarmanna er 3 ár og skal hvor aðili um sig kjósa árlega einn stjórnarmann og einn til vara.

## 2. gr.

Við grein 7.2 bætast eftirfarandi málslíðir:

Tillögur til hækkunar á lífeyrissréttindum geta verið með eftirfarandi hætti:

- a) Tillögur um hækkun á áunnum réttindum sjóðfélaga í sjóðnum, án breytinga á reglum til útreiknings á lífeyri (hækkun stiga).

- b) Tillögur að breytingum á reglum til útreiknings á lífeyri, með reglugerðar-breytingu.
- c) Tillögur um greiðslu tímabundinnar uppbótar á lífeyri, án breytinga á reglum eða réttindum að öðru leyti.

Ef gerð er tillaga um greiðslu uppbótar skv. c-lið, skal hún gilda í a.m.k. fimm ár og skal ákvörðun endurmetin árlega fyrir 5. árið þaðan í frá. Uppbót samkvæmt þessum ákvæðum getur numið allt að 10% hækkun á réttindum miðað við ákvæði gildandi reglugerðar. Á ársfundi skal gera grein fyrir kostnaði vegna tillagna um hækkun á lífeyrisréttindum.

### 3. gr.

Við 11 gr. bætist nýr töluliður nr. 11.5 sem orðast svo:

#### 11.5 Ellilífeyrir sjómanna. Sérákvæði.

11.5.1 Heimilt er sjóðfélaga sem stundað hefur sjómennsku í 25 ár eða lengur, og greitt hefur iðgjöld til sjóðsins að lágmarki í 10 ár vegna sjómennsku, og verið lögskráður á íslensk skip í 180 daga að meðaltali á ári, þó ekki skemur en 120 daga hvert ár, að hefja töku ellilífeyris þegar hann er fullra 60 ára. Skal þá upphæð ellilífeyris lækka um 0,3% fyrir hvern mánuð eða brot úr mánuði, sem vantar á 67 ára aldur, er taka lífeyris hefst. Taki sjóðfélagi ellilífeyri á aldrinum 60-67 ára skv. ákvæðum þessarar greinar og greiði á sama tíma iðgjöld til sjóðsins, ávinnur hann sér réttindi að hálfu vegna þeirra.

11.5.2 Fáist ekki fullnægjandi upplýsingar um árafjölda til sjós með vottorðum um lögskráningardaga, er stjórn sjóðsins heimilt að beita annarri reglu um mat á réttindum til flýtingar töku lífeyris, t.d. með staðfestum afritum skattframtala eða gögnum frá tryggingarfélagi viðkomandi.

### 4. gr.

Á 13. gr. verða eftirtaldar breytingar:

Grein 13.2 orðast svo:

13.2 Fullur makalífeyrir skal alltaf greiddur í 48 mánuði og 50% makalífeyrir í 36 mánuði til viðbótar, þótt ekki sé fullnægt ákvæðum 13.3, 13.4 eða 13.5

Grein 13.3 orðast svo:

13.3 Hafí eftirlifandi maki náð 50 ára aldri við fráfall sjóðfélaga, skal hann eiga rétt á 50% makalífeyri til 67 ára aldurs, enda séu ákvæði greinar 13.1 uppfyllt.

Í stað „0,9“ í grein 13.6 kemur „0,7“.

### 5. gr.

*Gildistaka.*

Reglugerðin tekur gildi 1. júlí 1997.

Með vísan til laga nr. 55/1980, staðfestist reglugerð þessi hér með.

*Fjármálaráðuneytinu, 1. október 1997.*

F. h. r.  
**Áslaug Guðjónsdóttir.**

*Margrét Gunnlaugsdóttir.*